

С. Данилов

"Ыһыахха ынырыы"

Сибэккинэн симэммит,  
Сэлэ чэчир астыбыт,  
Үрүн астаах сир иһит  
Түһүлгэтин тартыбыт.  
Саамал кымыс ыһыаҕар  
"Сайды" колхоз ынырар.  
Кэлин, күндү ыалдыттар,  
Көрдөһөбүт, ыалдыттаан!  
Оонньоулаахтыын оонньоһор  
Уолан дьоннор үгэстэр,  
Кыраһыабай оҕолор,  
Кыргыттар да дэлэйдэр.  
Көрдөөх эдэр киһиэхэ  
Көр-нар дэлэй биһиэхэ.  
Кэлин, күндү ыалдыттар,  
Көрдөһөбүт, ыалдыттаан!  
Олонхоһут оҕонньор,  
Олбох булан олорор,  
Сэлэхэргэ бэлэмнэр  
Сэргэх сээркээн сэхэннэр.  
Сайдам-дьэллэм киһиэхэ  
Солун элбэх биһиэхэ.

Кэлин, күндү ыалдыттар,

Көрдөһөбүт, ыалдыттаан!

Кытыт сылгы кымыһа

Кырылаччы кутулар,

Субай, харта сокууска

Сойон, тупсан тураллар.

Аңам аһас киһиэхэ

Ас-үөл дэлэй биһиэхэ.

Кэлин, күндү ыалдыттар,

Көрдөһөбүт, ыалдыттаан!

Асчыт талыы кыргыттар

Айах тутан күүтэллэр,

Тустуук, быһый уолаттар

Доҕоттору кэтиллэр.

Уйгу-бийан ыһыабар

Улуу колхоз ыңырар.

Кэлин, күндү ыалдыттар,

Көрдөһөбүт, ыалдыттаан!